



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-4032-1-15.6./2024

Datum: 07.03.2024. godine

Mjesto: Sarajevo

Na osnovu člana 70. stav (1) i (3), a u vezi sa članom 72. stav 3. Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, Zapisnika o pregledu i ocjeni ponuda sa preporukom Komisije broj: 12334-4/2023 od 04.03.2024. godine, Uprava Društva na 5. održanoj dana 07.03.2024. godine, donijela je:

ODLUKU

o izboru najpovoljnijeg ponuđača za LOT-5

I

Ugovor za javnu nabavku roba za LOT-5: Užad, provodnici i žice bakra i legura bakra za KM, za potrebe JP ŽFBiH d.o.o. Sarajevo, dodjeljuje se ponuđaču BNT-TECH d.o.o. Sarajevo, sa zaključivanjem okvirnog sporazuma na period od 1 (jedne) godine dana u iznosu od 215.000,00 KM (bez PDV-a), odnosno 251.550,00 KM (sa PDV-om), po provedenom otvorenom postupku, tender broj: UD-12334-1/2023.

II

Ugovor se dodjeljuje u skladu sa članom 72. stav 3. Zakona o javnim nabavkama ("Službeni glasnik BiH", broj: 39/14 i 59/22), a zbog propuštanja najuspješnijeg (prvorangiranog) ponuđača da dostavi dokument/dokaz po članu 47. Zakona, u skladu sa tačkom 13.6. tenderske dokumentacije.

III

Ovom Odlukom stavlja se van snage ranije donesena Odluka o izboru najpovoljnijeg ponuđača broj: UD-21979-1-13.6./2023 od 22.12.2023. godine.

IV

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

V

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-11264-1-10.5./20223 od 06.07.2023. godine odobrila pokretanje otvorenog postupka sa zaključivanjem okvirnog sporazuma na period od 1 (jedne) godine dana za javnu

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

nabavku roba – Rezervni dijelovi, oprema, pribor i materijal za održavanje kontaktne mreže, podijeljen u 11 lotova, od kojih je LOT – 5: Užad, provodnici i žice bakra i legura bakra za KM; za potrebe JP Željeznica FBiH d.o.o. Sarajevo, tender broj: UD-12334-1/2023.

Obavještenje o nabavci je objavljeno na portalu javnih nabavki dana 09.08.2023. godine pod brojem:1050-1-1-201-3-98/23, te u "Službenom glasniku BiH" broj: 57/2023 od 18.08.2023. godine.

Rješenjem Predsjednika Uprave - Generalnog direktora broj: 1-12718-1/2023 od 11.07.2023. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Amela Jusić - predsjedavajući, Željko Božić – član, Edin Hodžić –član, Almin Fočo – član (Službenik za javne nabavke) i Asmira Hujdurović – Ibrišimović - član. Sekretar Komisije je Edina Karić.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22), (u daljem tekstu Zakon), Komisija je dana 12.09.2023. godine u 11:00 sati, izvršila javno otvaranje ponuda. Do roka određenog za prijem ponuda dostavljene su dvije ponude ponuđača za LOT-5:

Ponuda ponuđača EN-UNION d.o.o. Tuzla koji je ponudio sljedeće:

Za LOT-5:

- Cijena: 199.200,00 KM (bez PDV-a), odnosno 233.064,00 KM (sa PDV-om),
- Uslovi i način plaćanja: 60 dana od uredno ispostavljene fakture prema odredbama dodijeljenog ugovora,
- Rok isporuke: 90 dana od prijema uredno izdate narudžbenice prema odredbama dodijeljenog ugovora.

Ponuda ponuđača BNT-TECH d.o.o. Sarajevo koji je ponudio sljedeće:

Za LOT-5:

- Cijena: 215.000,00 KM (bez PDV-a), odnosno 251.550,00 KM (sa PDV-om),
- Uslovi i način plaćanja: 30 dana od uredno ispostavljene fakture prema odredbama dodijeljenog ugovora,
- Rok isporuke: 90 dana od prijema uredno izdate narudžbenice prema odredbama dodijeljenog ugovora.

Komisija je izvršila pregled i ocjenu pristiglih ponuda, te konstatovala sljedeće:

1. Ponuda ponuđača EN-UNION d.o.o. Tuzla za LOT-5 je ocijenjena kao neprihvatljiva, jer izjave po članu 45. i 52. Zakona, koje je ponuđač dostavio, ne sadrže pečat ponuđača. Ponuda se odbacuje u skladu sa članom 68. stav 4. pod i) Zakona, jer ponuda nije potpuna i ne ispunjava zahtjeve iz tenderske dokumentacije.

3. Ponuda ponuđača BNT-TECH d.o.o. Sarajevo za LOT-5 je ocijenjena kao prihvatljiva, jer je ponuđač dostavio sve dokaze tražene tenderskom dokumentacijom.

Komisija je konstatovala da su ispunjeni zakonski uslovi za nastavak postupka nabavke i zaključenje ugovora za LOT-5 u predmetnom postupku, te je u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluka o izboru najpovoljnijeg ponuđača, kojom se ugovor za javnu nabavku roba za LOT-5: Užad, provodnici i žice bakra i legura bakra za KM, tender broj: UD-12334-1/2023, dodjeljuje ponuđaču BNT-TECH d.o.o. Sarajevo, u iznosu od 215.000,00 KM (bez PDV-a), odnosno 251.550,00 KM (sa PDV-om), a u skladu sa članom 64. stav 1. pod a) Zakona o javnim nabavkama, tj. u skladu sa kriterijem ekonomski najpovoljnije ponude.

U skladu sa navedenim, Uprava Društva je na svojoj 108. sjednici, održanoj dana 05.10.2023. godine, donijela Odluku o izboru najpovoljnijeg ponuđača za LOT-5, broj: UD-17071-1-11.1.4./2023, koja je skupa sa Zapisnikom o radu komisije sa preporukom broj: 12334-2/2023 od 22.09.2023. godine, poslata ponuđačima putem Obaviještenja broj: 1-17331-1/2023 od 05.10.2023. godine.

Po zaprimanju Obaviještenja, ponuđač EN-UNION d.o.o. Tuzla je izjavio ugovornom organu Žalbu broj: Ž-M/2023-60 od 19.10.2023. godine na Odluku o izboru najpovoljnijeg ponuđača broj: UD-17071-1-11.1.4./2023 od 05.10.2023. godine u predmetnom postupku za LOT-5.

Po zaprimanju žalbe, ugovorni organ je u skladu sa članom 110. Zakona odgodio nastavak predmetnog postupka javne nabavke do donošenja odluke po Žalbi, putem obavijesti broj: 1-18261-1/2023 od 20.10.2023. godine.

U skladu sa članom 100. Zakona Ugovorni organ je utvrdio da je žalba blagovremena, dopuštena i izjavljena od ovlaštenog lica i lica koje ima aktivnu legitimaciju

Žalba Žalioca je odbačena kao neosnovana, te je ista proslijeđena Uredu za razmatranje žalbi, zajedno sa Izjašnjenjem na navode Žalbe broj: 1-18420-1/2023 od 24.10.2023. godine i kompletnom dokumentacijom, na dalje odlučivanje.

Ured za razmatranje žalbi je dana 23.11.2023. godine donio Rješenje broj: JN2-03-07-1-2979-8/23 kojim usvaja žalbu Žalioca, te poništava Odluku o izboru najpovoljnijeg ponuđača za LOT-5, broj: UD-17071-1-11.1.4./2023 od 05.10.2023. godine i predmet vraća ugovornom organu na ponovni postupak.

U skladu sa pomenutim Rješenjem URŽ-a, Komisija za javne nabavke u predmetnom postupku je konstatovala da je ponuda ponuđača EN-UNION d.o.o. Tuzla prihvatljiva, te dala p r e p o r u k u Upravi Društva da donese Odluku o izboru najpovoljnijeg ponuđača za LOT-5 sada prvorangiranom ponuđaču EN-UNION d.o.o. Tuzla, sa zaključivanjem okvirnog sporazuma na period od 1 (jedne) godine dana sa cijenom od 199.200,00 KM (bez PDV-a), odnosno 233.064,00 KM (sa PDV-om), a u skladu sa članom 64. stav 1. pod a) Zakona o javnim nabavkama, tj. u skladu sa kriterijem ekonomski najpovoljnije ponude, (što je vidljivo iz bodovne liste u prilogu). Istom odlukom broj: UD-21979-1-13.6./2023 od 22.12.2023. godine, koju je donijela Uprava Društva na svojoj 116. sjednici, stavljena je van snage prethodna Odluka o izboru najpovoljnijeg ponuđača broj: UD-17071-1-11.1.4./2023 od 05.10.2023. godine kojom je ugovor dodijeljen ponuđaču BNT-TECH d.o.o. Sarajevo.

Međutim, prvorangirani ponuđač EN-UNION d.o.o. Tuzla kojem je dodijeljena Odluka o izboru najpovoljnijeg ponuđača broj: UD-21979-1-13.6./2023 od 22.12.2023. godine bio je u obavezi da u roku od 5 (pet) dana od dana prijema iste dostavi ugovornom organu dokumentaciju/dokaze po članu 45., 47., 48. i 49. Zakona.

Ponuđač je u predviđenom roku u prilogu akta broj: 011-DM/23 od 30.12.2023. godine dostavio dokumentaciju/dokaze po članu 45., 48. i 49. Zakona, uz koje nije dostavio dokument/dokaz po članu 47. Zakona, a što je bio dužan u skladu sa članom 13.6. tenderske dokumentacije.

Po tački 13.3. tenderske dokumentacije, Ugovorni organ je dužan odbaciti ponudu ponuđača u slučaju neispunjavanja uslova ekonomskog i finansijskog stanja, u skladu sa članom 47. Zakona, odnosno u ovom slučaju propuštanja dostavljanja dokaza o istom u skladu sa tačkom 13.6. tenderske dokumentacije.

U skladu sa navedenim, Komisija je ponovo konstatovala da nisu ispunjeni uslovi za zaključenje Ugovora sa prvorangiranim ponuđačem EN-UNION d.o.o. Tuzla, te dala p e p o r u k u Upravi Društva za donošenje Odluke o izboru najpovoljnijeg ponuđača, kojom se ugovor za javnu nabavku roba za LOT-5: Užad, provodnici i žice bakra i legura bakra za KM, tender broj: UD-12334-1/2023, dodjeljuje drugorangiranom ponuđaču BNT-TECH d.o.o. Sarajevo, sa zaključivanjem okvirnog sporazuma na period od 1 (jedne) godine dana u iznosu od

UIC 50

Bosna i Hercegovina

15.000,00 KM (bez PDV-a), odnosno 251.550,00 KM (sa PDV-om), a u skladu sa članom 72. stav 3. Zakona o javnim nabavkama, a zbog propuštanja najuspješnijeg (prvorangiranog) ponuđača da dostavi dokument/dokaz po članu 47. Zakona, u skladu sa tačkom 13.6. tenderske dokumentacije.

Također, navedenom odlukom stavlja se van snage Odluka o izboru najpovoljnijeg ponuđača broj: UD-21979-1-13.6./2023 od 22.12.2023. godine kojom je ugovor dodijeljen prvorangiranom ponuđaču EN-UNION d.o.o. Tuzla.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđačima/x2,
- Uz Zapisnik,
- a/a.

VD Predsjednika Uprave – Generalnog direktora



Enis Džafić, mr.ecc.